

Bbaruha gya Paulo hali Bakolosaayi Kwanjuura

Bbaruha gigi gya Bakolosaayi gyahandiikiirwe Paulo, mukwenda wa Yesu Kurisito harabirihho myaka 60 Yesu Kurisito amaari kubyalwa (1:1). Yaagihandiikiri naali munyankomo mu Rooma. Paulo atakatandikisye kitebe kya beikiriza kya Kolosaayi beitu kyadoori hakubbaho kuruga mu mulimo gwamwe gyaali aloori mu rubuga lw'Efeeso, lunyakubba luhereeri Kolosaayi. Mu buheereza bwamwe bw'Efeeso, musigazi gibakweta Epafura yeikiririze mu Kurisito. Yogwo musigazi, yaatweri bukwenda bwa Yesu Kurisito mu rubuga lwa Kolosaayi. Buyaagihandiikiri, yaagitumiri Tikiko yooyo agitwale Kolosaayi, kubba yo Paulo yaali atakadwangayo.

Paulo yaahandiikiri bbaruha gigi mwa kuterekereerya beikiriza ba Kurisito ba Kolosaayi. Mu kitebe kikyoo haali heizirimwona nzegesya gya bugobya gitali ha musinge gwa kigambu kya Ruhanga, ginyakubba nigikutoola bantu ha kuhondera Kurisito, nigikubata ha kuhondera nzegesya gya bantu na biragiro bya Bayudaaya. Gigiyo nzegesya gyaali giheneeri kwikiriza kwabu kubaalingi nakwo mu bwaruhanga bwa Kurisito. Kurisito ali Ruhanga mu kuisana kwa muntu, ali muhang'i, yooyo asoboresya bintu byensei kwicala nibili hamwei, yooyo Mukama wa kitebe kya beikiriza kandi de yooyo mujuni munyakutaho bumwei hakati gya bantu na Ruhanga. Kujunwa kwicala muli yo hasa. Bicweka Bihandu bya mu kiki Kitabbu nka Kubihondereeni

- (i) *Biramukyo 1:1-2*
- (ii) Paulo nagaana nzegeesya gya *bugobya 1:3—3:4*
- (iii) Paulo niyeegesya beikiriza ba Yesu nka kubakuse-meera kwicalanga *3:5—4:6*
- (iv) *Biramukyo byakumaliira 4:7-18*

Biramukyo Kuruga hali Paulo

¹ Bbaruha gigi girugiri hali gya Paulo, mukwenda wa Yesu, Mutongoole wa Ruhanga, wa Ruhanga giyaakomiri mu kwendya kwamwe. Ngihandiikiri nituli na Timiteo, mwikiriza wa Kurisito mwira weetu, ² nigili gya beikiriza ba Kurisito beira beetu, basyanu mitima kandi beesigwa hali yo, ba mu ruhuga lwa Kolosaayi.

Nkubasabira Ruhanga Bbaa weetu abagiire mbabazi, kandi abahe businge.

Paulo Naasiima Ruhanga kandi Naasabira Bakolosaayi

³ Biro byenseenya hutubba nitukubasabira, tusiima Ruhanga, Bbaa Mukama weetu Yesu Kurisito, ⁴ hahwakubba twegwiri kwikiriza kwenyu mu Yesu, Mutongoole wa Ruhanga nakwendya kwenyu kwa bantu ba Ruhanga bensei. ⁵ Mwikiriza Yesu kandi nimwendya bantu ba Ruhanga, kubba mukunihira bintu birungi bya Ruhanga biyaabateekanirize mwiguru, nimuli batatiro. Kukwo kunihira, kwokwo kumwegwiriho bantu hubaabaweereeri hukwenda hwa mananu hwa Makuru Garungi gakukwatagana na Yesu Kurisito. ⁶ Gaga Makuru Garungi gabaabaleeteeri, bantu bali mukugeikiririzamwo mu biikaru binene, nigabaha kubba na ngesu za Ruhanga asiima. Gakuhindula bantu mu mulingo gugwo, nka nywe kugaahindwiri hwomi hwenyu kuruga ha kiro kimwabanziri kugeegwa, nimukeetegereza mananu kwo, Ruhanga nka kwataaha na mbabazi. ⁷ Epafura,

muheereza wa Ruhanga mwira weetu gitwendya hoi, yaatebeerye gagwo Makuru Garungi. Kandi, atusagika mu buheereza, naali muheereza mwesigwa wa Kurisito. ⁸ Yooyo de munyakutumanyisya, Mwozo Musyanu nka kwakubasoboresya kwendyanga bantu ba Ruhanga.

⁹ Habwa yo kutumanyisya biyo bikubafaaho, kuruga butwabyegwiri twicala nitubasabira. Tubasabira aleke Mwozo Musyanu abasoboresye kwetegerereza kimwei bintu bya Ruhanga biyendya mwege, kuraba muli yo kubafoora bagezi hoi, na kubetegereseya bintu bya Mwozo. ¹⁰ Tusaba yatyo aleke ngesu zeenyu zibbe zizo za bantu ba Mukama zibakusemeera kubba nazo; kandi de, aleke mumuhe kusemererwa mu milingo myensei. Kandi tubasabira aleke mukorenge buli kikorwa kyensei kirungi, na kwegira kimwei Ruhanga mu mananu. ¹¹ Kandi de, tubasabira aleke Ruhanga eicalenge naabatatiirya mu myozo myenyu, na maani garuga mu busobozi bwamwe bwa kitiinisa, aleke mubbe batatiro bakusobora kutatiira mu bizi bu byensei nimuli na kugumisiriza. ¹² Kandi de tubasabira, aleke musijimenge Ruhanga Bbaa weetu, yogwo munyakubasoboresya, mwabba bantu bakwiza kutunga mugabu ha biyo bintu biyaaraganisiirye kuha bantu baamwe mwiguru. ¹³ Kubba, Ruhanga yaatutoori mu kufugwa bukama buibi bwa Sitaani hatwalingi nka bantu bali mu ntiti, yaatutwala mu bukama bwe, bwa Mwana waamwe giyendya, bwalema. ¹⁴ Kuraba mu Mwana waamwe yogwo* Ruhanga yaatucungwiri kandi atuganyira bibii.

Kurisito yooyo Muhandu wa Bintu byensei

* 1:14 1:14 Bbaibbuli zindi zikoresya: Kuraba mwibbanga lya yogwo mwana liyaabbwomiri

¹⁵ Kurisito kubba naali mu kisisanī kya Ruhanga atawonwaho, aha bantu kwetegereza buhangwa bwa Ruhanga gitutawona; kandi, agira busobozi bukira bwa bintu byensei bya Ruhanga biyaahangiri. ¹⁶ Habwakubba, kuraba muli yo hooho Ruhanga yaahangiri bintu byensei. Mu bintu biyaahangiri, hooho hali bintu bya mwiguru na bya mu nsi; bibyo bituwona, na bibyo bitutawona. Kabibbe bibiibi nka bitebe bya bamalayika bhandu, bamalayika balemi, bamalayika ba busobozi, bintu byenseenya byahangiirwe kuraba mu Kurisito, kandi habwa yo. ¹⁷ Kurisito yaalingiho, Ruhanga atakabbeeri kuhanga kintu kyensei; kandi yooyo asoboresya bintu byensei kwicala nibili hamwei. ¹⁸ Yooyo mutwe gwa mubiri, kandi gugwo mubiri kyokyo kitebe kya beikiriza. Yooyo eicalyaho kitebe kya beikiriza ba Yesu, kandi yooyo Mwana muzegeizo wa banyakuhimbooka kuruga mu bakuu, aleke mu byensei, yooyo abbe muhandu akukirayo mu kitiinisa. ¹⁹ Kurisito akukirayo mu kitiinisa, habwakubba Ruhanga yaamusimiri abbe naali na buhangwa bwa Ruhanga bwenseenya. ²⁰ Kandi de, kuraba mu Kurisito, Ruhanga yeiriiryeho nkoragana girungi hakati gyamwe na bintu byensei, bya mwiguru na bya mu nsi. Kintu kyakuta bintu byensei bibbe na businge nayo, yaakikoori kuraba mwibbanga lya Mwana waamwe liyaabbwomiri, buyaakwiri ha musalaba.

²¹ Mu kubanza, nywe beikiriza ba Kurisito, mwali mutali mu humwei na Ruhanga; mwamuteekerezengihō kubiibi habwa ngesu zeenyu zibiibi. ²² Beitu hataati, Ruhanga yeiriiryeho nkoragana gyamwe nanywe, buyaaheriyo Mwana waamwe kulwala mubiri na kukwa ha musalaba. Kikyo yaakikoori, mwa kubadoosya mu meisō gaamwe nimuli basyanu, mutali na kakuu, rundi kintu kyenseenya kibakubajunaana. ²³ Kikyo kikudwereera, bu-

mukwicala nimwikiririza mu Kurisito, nimuli batatiro mu kwikiriza, mutakuruga ha kwesiga miragu mya Ruhanga mya mu Makuru Garungi gaamwegwiri. Makuru gaga baagatebeerye kadei hali bantu ba mu nsi zinene, kandi nagya Paulo, ndi omwei hali baheereza ba Ruhanga, bahwo bagatebya.

Mulimo gwa Paulo hali Bakolosaayi

²⁴ Hataati nkusemererwa kubba ninkuwonawona habwenyu. Nzikiriize kuwonawona mu mubiri aleke nsobore kudoosereerya kuwonawona kwa Kurisito akwendya ndabemwo habwamwe, mwa kujuna kitebe kya beikiriza baamwe, bali nka mubiri gwe. ²⁵ Kitebe kikyo, kyokyo kya Ruhanga yankomeeri kubba muheereza waakyo. Yankomiri aleke mbaweere kigambu kyamwe mu bwizulu. ²⁶ Kikyo kigambu gili nsita giiceeri gibise kuruga kadei, beitu hataati Ruhanga agyolokeerye bantu baamwe bensei. ²⁷ Bahwo, boobo ba Ruhanga bayaacwirimwo kwolokya nsita gigyoo nka kugili na kitiinisa kinene na mu Banyamahanga de. Nsita gigyoo yooyo Kurisito ali muli nywe, kubananukisya nti mulitunga kitiinisa mwiguru, kya Ruhanga kiiyaaraganisiirye.

²⁸ Nahabwakikyo tutebeerya bantu bukwenza bukuk-watagana na Kurisito, nitulamba huli muntu na magezi gensei gatuli nago, aleke tuhembe huli muntu hali Ruhanga, naali mwikiriza muhangijuru wa Kurisito. ²⁹ Kiki kyokyo kimpa kwekamba hoi, nintebya na maani ganene gensei ga Kurisito gampa.

2

¹ Nkwendya mukyege nti nteerimwo maani hoi kubasabira, na kusabira beikiriza ba Kurisito beicala mu rubuga lwa Lawudikeeya na bahwo bandi

benseenya batakambonangaho. ² Nkukora kiki, aleke mitima myenyū na myaḥu miirwemwo maani, aleke nywenseenya nabo, mwendyengene hoj kibahe kubba muntu omwei. Biḃyo biḃwiza kubaha migisa myensei miruga mu kwetegerereza kimwei bigambu bya Ruhanga, aleke mwege ḃukwenda ḃwa nsita ḃuruga hali Ruhanga, kwokwo kwega Kurisito. ³ Kurisito yooyo musa akusobora kubafoora bagezi nabeetegereseya ḃukwenda ḃwa mugasu, ḃwa Ruhanga ḃuyaali abisiri. ⁴ Nkubaweera bibi bigambu, aleke hatabbaho muntu akubahabisa na nzegeya giwa bigambu bikusikiriza-ḃusikirizi. ⁵ Kubba naḃunyakabba ntali nanywe kukwo, mu mwozo ndi nanywe, haḃwakubba ncala nimbateekerezaho. Kikunsemeza kwegwa nti muli mu ḃumwei, kandi de nti muli basigiku mu kwikiririza mu Kurisito.

Kwekamba Kwicala mu Kurisito

⁶ Kale nu, kubba mweikiriize Yesu, Mutongoole wa Ruhanga, abbe Mukama weenyū, mubbe na ngesu zirungi zikusemeera beikiriza baamwe. ⁷ Mubbe basigiku mu kwikiririza Kurisito kandi mwekambe kumwesiga. Mwekambirenge kwikiririza mu bigambu bibaabege-seerye ku Kurisito, nimusiimanga Ruhanga na mitima myenyū myenseenya.

⁸ Mwerinde, hatabbaho muntu yensei akubahabisa na nzegeya gitalimwo mananu. Nzegeya gya yatyo, gisigikira ha biteekerezu bya bantu na ha ngesu za ḃuhangwa; bintu bitaruga hali Kurisito. ⁹ Hatabbaho akubahabisa, haḃwakubba Kurisito mu mubiri gwamwe hoho hali maani gensei na ḃusobozi ḃwensei, bya Ruhanga byagira. ¹⁰ Kandi mu Kurisito, yogwo afuga bamalayika balemī na bamalayika ba ḃusobozi bensei, hoho mwatungiiri ḃwomi ḃwizulu.

¹¹ Kandi muli yo de mwasaliirwe; na kusalwa kutali kwa bantu kubasala, beitu na kusalwa kwa Kurisito, kukwo kujuna bantu maani ga ngesu zibiibi za mubiri. ¹² Mu kubatizibwa kwenyu, mwabbeeru nka bazikiirwe na Kurisito kandi mwahimboolwa nayo habwa kwikiriza busobozi bwa Ruhanga, munyakumuhimboola kumutoola mu bakuu. ¹³ Nanywe banyakubba bakwiri myozo habwa bibii byenyu na habwa kufugwa maani ga ngesu zibiibi za mubiri, Ruhanga yaabaheeri kwomera hamwe na Kurisito. Ruhanga yaatuganyiri bibii byetu byense. ¹⁴ Yaatutoorihho misangu mya biragiro bityo byali bitujuneeni; yaamitutoorihho, myamalikira ha musalaba gwamwe. ¹⁵ Ha musalaba Ruhanga yaatooiroho busobozi bwa bamalayika balem na bamalayika ba busobozi, benseenya yaabaswaza hasyanu, yoolokya Kurisito nka kwabasingwiri kuraba mu kukwa kuyaakwiri ha musalaba.

Mutafugwanga Mirwa

¹⁶ Nahabwakiky mutafaayo kakubba muntu yense abakorokota ha bintu bikukwatagana na bidyo rundi byakunywa, rundi ha bintu bikukwatagana na biro bihandu, rundi ha byakawonekeera ka mweri, rundi ha Sabbaato. ¹⁷ Bityo biragiro byense, biicala kisani busani, kikwolokya bintu binyakubba nibikugyenda kwiza; beitu kintu kyonyini, yooyo Kurisito. ¹⁸ Muteikiriza muntu yense akwendya mwebundaaze bya hugobya kwonawonesya mibiri myenyu, rundi yogwo akwendya muramye bamalayika nka bantu bandi nka kubakora. Mutamwikiriza kubalomesya kutunga kitembu kya bwomi butamalikaho. Muntu wa yatyo, abba naakwehaariiza kwankeenya, mu biteekerezu byamwe bya buntu, atali na haakusigikira. ¹⁹ Muntu nka yogwo, abba ateemereeri

ha nzegesya gya mananu gya Kurisito, yogwo Kurisito ali nka mutwe, gwa kitebe kya beikiriza. Kikyo kitebe kya beikiriza nka mubiri, bukibba hansi wa Kurisito mutwe gwakyo, kidiihwa, nikiicala kibboheerwe hamwei na makuha gaakyo na binywa byakyo. Kandi de, kihanda nka Ruhanga kwabba yendeerye kihande.

Kukwa na Kwomeera hamwei na Kurisito

²⁰ Mwabba mu kuteerana kwenyu na Kurisito, mwalekiriho kufugwa biteekerezu bya bantu bikukwatagana na nsi, habwaki muli nka bantu ba nsi, bacakahondera biragi bya gyo bikukoba: ²¹ “Otakwata kintu kalebe! Otadya ha bidyo kalebe! Otakwata ha kintu kalebe?” ²² Bibi biragi byenseenya bikukwatagana na bidyo na byakunywa, biicala byakumalikaho heinyuma yakubikoresya. Nahabwakikyo, mutahondera biyo biragi, kubba tibili bya Ruhanga; byatebeerweho bantu. ²³ Mu mananu, biyo biragi bikuzooka nibilimwona magezi, nabubyakabba nibilimwo kakurama kwabyo kwa bantu kubeeteereeriho, kandi nibilimwo kakwehundaaza kwabyo kutalimwo, na kakweruma kwa mubiri kwabyo; beitu kandi tibili na mugasu gwensei gwa kutanga kwegomba kubiibi kwa mubiri.

3

Muteekerezenge ha bya Mwiguru

¹ Kale nu, mwabba mwekiriize Kurisito nimukateerana nayo, bubwo de mwahimbookiri nayo. Nahabwakikyo, mte mutima myenyu ha bintu bya mwiguru, cali Kurisito ecaliri mu kiikaru kya kitinisa kinene hoi. ² Kandi mutenge mitima myenyu hali bintu bya mwiguru, hatali ha bintu bya mu nsi. ³ Habwakubba nywe, mwatereeni na Kurisito humwamwikiriize, mwabageeni ha kukwa

kwamwe, yaabaha hwomi butamalikaho hwicala muli yo, hubwo yo naali hamwei na Ruhanga. ⁴ Kurisito yogwo, yooyo hwomi hwetu; hwalibba eiriri kuzooka murundi gundi, mwomwo nanywe mulizookera hamwei nayo mu kitiinisa.

⁵ Nahawakikyo, muleke ngesu zeenyu zibiibi zensei za mu nsi: hwenzi, biteekerezu bibiibi, rwanju, kwegomba kubiibi na mururu gweitungu, guli mulingo gwa kuramya bisisani. ⁶ Ruhanga mu kiniga kyamwe kinene kyokyo alifubira bantu bensei bajeemu, bakukora bibyo bikorwa bibiibi. ⁷ Kandi zizo ngesu, zoozo zimwakorengi humwali nimucaali bajeemu. ⁸ Beitu hataati, muleke ngesu zeenyu zizo za: kukwatwa kiniga, kutabukatabuka, itima, kuhangira, na kubaza bya nsoni. ⁹ Mutagobyananga, hawakubba mwalekiri nziicala gyenyu gigyo gya kadei na ngesu zaagyo, ¹⁰ mwatandika nziicala gindi gya hwomi buhyaka aleke hubadoosye ha magezi na ha kwisana kwa yogwo munyakubuhanga. ¹¹ Nahawakikyo, tihacaaloho Muyonaani rundi Muyudaaya, asaliirwe rundi atasaliirwe, Munyamahanga, rundi yogwo atali mugunjuruku, mwiru rundi muntu wa bugabe, beitu Kurisito yooyo kintu kihandu kandi eicala mu bantu bensei.

¹² Ruhanga nka kuyaabakomirimwo kandi yaabasoro ramwo kubba bantu baamwe, basyanu mitima, abendeerya kimwei. Nahawakikyo, mubbenge na mbabazi, kisa, bantu baholu, bakwata beira baabu mpula mpula kandi bagumisiriza. ¹³ Mutajwaha kuganyiranga nso bi za beira beenyu. Haakabbangaho muntu yensei ali na kyakujunaana wondi, muganyirengenenge. Muganyirenge, nka Mukama weetu kuyaabaganyiri bibii byenyu. ¹⁴ Kandi, kihandu mu bibyo bikorwa byensei mukusemeera kubba na ngonzi mu mitima myenyu. Hawakubba mukwendyangana, mukwiza kwicala nimuli mu humwei.

¹⁵ Yesu Kurisito nka kwabaha kwicala nka bantu ba mubiri gumwei mu businge, muleke hubwo businge bwobwo bufugenge bibyo byensei bimukora. Kandi, musijimenge hoj Ruhanga mu mitima myenyu. ¹⁶ Muteekerezenge ha Binyakuhandiikwa bya Kurisito aleke musobore kufuga bibyo bimukora na bimutekereza. Mukoresyenge magezi geenyu gensei mukwegesyangana, kandi mulambanganenge nywankei na nywankei. Muhijimenge zabbuli na byembu bya Ruhanga; mumuhijimirenge na kusijima mu mitima myenyu. ¹⁷ Nka bantu beikiririza mu Yesu Kurisito, bibyo byensei bimubaza na bimukora bibbenge bintu bikusemeza Yesu Kurisito. Kandi de, musijimenge Ruhanga Bbaa weetu kuraba mu Yesu Kurisito, yogwo eicala hakati gyetu na Ruhanga.

Biragiro Bikufuga Maka

¹⁸ Nywe bakali batungiiirwe, mukusemeera kwegwanga beiba beenyu; kubba kikyo kyokyo kintu kidoori mukali mwikiriza kukora. ¹⁹ Kandi, nywe badulu bali na maka bakwikiririza mu Kurisito, mwendyenge bakali beenyu; mutabatwalanga kubiibi. ²⁰ Nanywe baana, mwegwenge babyeru beenyu mu bintu byensei, kubba kikyo kyokyo kisemereeri mwana akwikiririza mu Yesu Kurisito. ²¹ Nywe babba baana, mutacoomeranga baana beenyu ha huli kantu kabakoori, kitali kikyo mukwiza kubaha kwennoba. ²² Nywe beiru muhonderenge biragiro bya bakama beenyu, ba haha ha nsi mu bintu byensei; kandi kikyo mukikorenge hatali habwakubba nti mukwendya babawone nimukukora aleke babasijime. Beitu, mukikorenge na mutima gumwei habwa kutiina Ruhanga. ²³ Mu bintu byensei bimukora mubikorenge na mutima gwensei, nka habwo bakukoora Mukama weetu, hatali kukora kusemeza bantu. ²⁴ Mukorenge

yatyo, haḥwakubba muḳyegiri nti, Mukama weetḱ akwiza kubaha kisembu kya mugisa gwamwe kiiyaaraganisiirye kuha baḥwo bantu baamwe. Haḥwakubba yogwo Yesu Kurisito, yooyo ali Mukama gimukukoora. ²⁵ Muntu yensei akora kibii, Ruhanga alimufubira haḥwa kikyo kibii kyamwe; kubba Ruhanga afubira bantu kusigikira ha bibii byaḥu.

4

¹ Nywe baḥwo bali na beiru, mukusemeera kubatwalanga mu mulingo gusemereeri kandi nimubaha na milimo mibasemereeri mitaababinye. Haḥwakubba nanywe muḳyegiri nti, mugira Mukama wa mwiguru abafuga.

Paḱlo Naaragira Beikiriza

² Musabenge Ruhanga ḥuli kiro; kandi mumusabenge muteerihō mutima nimumusiima hoi na mitima myenyu. ³ Na kindi, mutusabirenge aleke Ruhanga asobore kututeeraho muhanda gwa kutebeerya bantu ḥukwenda ḥukukwatagana na Kurisito ḥuḥwo ḥunyakubba ḥuteegebeerwe. Mboheerwe mu nkomo, haḥwa kutebeerya bantu biḥyo bigambu. ⁴ Beitu, munsabirenge aleke nsobore kutebya hasyanu kigambu kya Yesu Kurisito, kandi nkitebye nka kunkusemeera kukitebya. ⁵ Mubenge bantu bali na magezi, hali baḥwo bantu bateikiririza mu Yesu Kurisito. Mu ngeru gigyō, muḳwiza kutunga mugisa gunyamaani gwa kubatebeerya Kurisito. ⁶ Biro byensei mubazenge bigambu bya Ruhanga na mbabazi, nibili bigambu bikusikiriza bantu kwikiririza mu Yesu Kurisito. Mu mulingo gugwo muḳwiza kusobora kwegu kukoresya magezi kuterekereerya bantu mu bintu bimateegiri.

Bigambu bya Kuraga

⁷ Yogwo mwikiriza mwira weetu, Tikiko, akwiza kubaweera makuru ga bintu byensei binyakunfaaho. Tikiko abba muheereza mwesigwa wa Yesu Kurisito, kandi muheereza mwira wange yogwo nka kutukoora Mukama. ⁸ Mmutumiri kukwo eize ababungire aleke musobore kwega bintu bikutufaaho. Kindi, mmutumiri eize kukwo, aleke asobore kubatatiirya mitima na kigambu kya Mukama weetu. ⁹ Kandi mmutumiri kukwo, hamwei na mwira weetu kwo, gibeeta Onesimo. Onesimo yogwo, abba mwikiriza wa Yesu Kurisito kandi mwicali wa kwokwo Kolosaayi. Bawo bantu babiri bakwiza kubaweera biyo bintu byensei bikutufaaho. ¹⁰ Munyankomo mwira wange, Arisitaako abaramukiirye; na yogwo mwa mwijwa Bbaranaba, gibeeta Mariko nayo abaramukiirye. (Yooyo yogwo ginyaabaweereerho mu butumwa bwange mu biro byeinyuma, bwalibba eiziriyo kukwo mumutangiire kurungi.) ¹¹ Yesu yogwo gibeeta de Yusito, abaramukiirye. Bawo boobo bakori beikiriza beira bange nka kutukoora bukama bwa Ruhanga, kandi de boobo Bayudaaya basa bantatiirye mutima. ¹² Epafura mwikiriza mwira weenyu, kandi mwiru wa Yesu, Mutongoole wa Ruhanga, abaramukiirye. Eicala nabeizuka biro byensei naabasabira aleke musobore kwemeera na maani, mweheereyo kimwei kukora biyo bya Ruhanga biyendya. ¹³ Nkusobora kuheera Epafura bukeiso ha bintu bikukwatagana na mulimo gunyamaani gwabakoleeri nywe bantu ba kicweka kya Lawudikeeya na Hierapooli. ¹⁴ Luuka, yogwo munywani weetu kandi dakitaali hamwei na Deema babaramukiirye. ¹⁵ Nkubasaba mundamukiirye beikiriza ba Yesu ba mu rubuga lwa Lawudikeeya; mundamukiirye yogwo mukali Ninfa, na kitebe kyensei kya beikiriza kirombera mwamwe.

¹⁶ Mwakamala kusoma gigi bbaruha, mugitwekere

beikiriza ba kitebe kya Yesu ba mu Lawudikeeya nabo bagisome; kandi nanywe de musome gigyo girugiri Lawudikeeya.

¹⁷ Muweere Arakiipo nti, yeekambe hoj kuwona adoosereerye mulimo gwa Mukama guyaamuheeri.

¹⁸ Nkuhandiika bibi bigambu na mukono gwange nyankei, gya Paulo; nimbaramukya. Muteebeera nkusabira, habwakubba ncaali mu nkomo. Mbabazi za Ruhanga ziicale hamweji nanywe.

Ndagaanu Gihyaka

Gungu: Ndagaanu Gihyaka New Testament

copyright © 2017 Wycliffe Bible Translators, Inc.

Language: Gungu

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 13 Jun 2022

b2d1b010-ce36-53f8-94bb-ea31f34239cc